

ხელშეკრულება მომსახურების შესყიდვაზე №

60-7-115-174

ქ. თბილისი

2015წ. 05-03

I. მხარეები

1.1 წინამდებარე ხელშეკრულება დადებულია 2015 წლის 05 მაისი, ერთი მხრივ სს „საქართველოს სახელმწიფო ელექტროსისტემას“, წარმოდგენილი რეაბილიტაციის მმართველის/მმართველთა საბჭოს თავმჯდომარის სულხან ზუმბურიძის (შემდგომში – „შემსყიდველი“) სახით და მეორეს მხრივ შპს „გეოტექსერვისი“-ს (შემდგომში – „მიმწოდებელი“) შორის, წარმოდგენილი დირექტორის გიორგი ბენდუქიძის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ იღებს ვალდებულებას გაუწიოს „შემსყიდველს“ სს „სსე“-ს 220კვ ეგზ „მენჯი-ხორგა“-ს გაორჯაჭვიანებისათვის ახალი ანძების დასმის ადგილების საინჟინრო-გეოლოგიური კვლევის მომსახურება დანართი №1-ის (ხარჯთაღრიცხვა) და დანართი №2-ის (ტექნიკური დავალება) შესაბამისად.

2.2 დანართი №1 და დანართი №2 წარმოადგენს ხელშეკრულების განუყოფელ ნაწილს.

III. მომსახურების ღირებულება და ანგარიშსწორების პირობები

3.1 ხელშეკრულებით გათვალისწინებული მომსახურების ღირებულება შეადგენს 8420,42 (რცაათასოთასოცი ლარი და 42 თეთრი) ლარს დ.დ.გ.-ს ჩათვლით (შემდგომში - „ხელშეკრულების ღირებულება“).

3.2 ანგარიშსწორება განხორციელდება ფაქტიურად გაწეულ მომსახურებაზე მიღება-ჩაბარების აქტის გაფორმებიდან და ანგარიშფაქტურის წარმოდგენიდან 10 (ათი) კალენდარული დღის განმავლობაში.

3.3 იმ შემთხვევაში თუ „მიმწოდებლის“ მიერ მოთხოვნილი იქნა საავანსო გადახდა, „შემსყიდველი“ „მიმწოდებელს“ უხდის საავანსო თანხას („ხელშეკრულების ღირებულების“ არაუმეტეს 30%-ისა) „მიმწოდებლის“ მხრიდან შესაბამისი ოდენობის საბანკო გარანტიის (საბანკო გარანტია წარმოდგენილი უნდა იყოს საქართველოში ლიცენზირებული ბანკიდან) წარმოდგენის შემთხვევაში, საბანკო გარანტიის წარმოდგენიდან 5 (ხუთი) კალენდარული დღის განმავლობაში. საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით. ავანსად გაცემული თანხა ჩაითვლება საბოლოო ანგარიშსწორებისას.

3.4 მომსახურების ღირებულების ანაზღაურება ხორციელდება უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „შემსყიდველი“ იღებს ვალდებულებას აუნაზღაუროს „მიმწოდებელს“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

4.2. „შემსყიდველი“ უფლებამოსილია „მიმწოდებლისგან“ მოითხოვოს სრული ინფორმაცია შესასრულებელი მომსახურების მიმდინარეობის შესახებ.

ხელშეკრულება სს „სსე“-ს 220კვ ეგზ „მენჯი-ხორგა“-ს გაორჯაჭვიანებისათვის ახალი ანძების დასმის ადგილების საინჟინრო-გეოლოგიური კვლევის მომსახურების შესყიდვაზე. „მიმწოდებელი“ შპს „გეოტექსერვისი“.

4.3. „მიმწოდებელი“ მომსახურებას ასრულებს წინამდებარე ხელშეკრულების დანართი №1 (ხარჯთარიცხვა) და დანართი №2-ის (ტექნიკური დავალება) შესაბამისად.

4.4 „მიმწოდებელი“ ვალდებულია ხელშეკრულებით გათვალისწინებული მომსახურება განახორციელოს ხარისხიანად და არსებული სტანდარტების შესაბამისად. იგი პასუხს აგებს ზემოაღნიშნული მომსახურების ანგარიშის (დასკვნის) სისწორეზე.

4.5 „მიმწოდებელი“ ვალდებულია წინამდებარე ხელშეკრულებით დადგენილ ვადაში გადასცეს „შემსყიდველს“ ხელშეკრულებით გათვალისწინებული მომსახურების (სს „სსე“-ის 220კვ ეგზ „მენჯი-ხორგა“-ს გაორჯაჭვიანებისათვის ახალი ანძების დასმის ადგილების საინჟინრო-გეოლოგიური კვლევის (ანგარიში)) ტექნიკური ანგარიში დასკვნებით, რეკომენდაციებით და ნახაზებით, როგორც აკინძული 3 (სამი) ეგზემპლარად, ასევე ელექტრონული სახით.

4.6 „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.7 „მიმწოდებელი“ ვალდებულია განახორციელოს, ანგარიშის (დასკვნა) მიმართ გამოთქმული მოსაზრებების გათვალისწინებით, ანგარიშის (დასკვნის) სრულყოფა და სხვა შესაბამისი ღონისძიებები, რათა უზრუნველყოფილ იქნეს „შემსყიდველის“ მიერ ამ ანგარიშის საფუძველზე შესაბამისი თანხმობებისა და ნებართვის მოპოვება. ანგარიშის (დასკვნის) სრულყოფა დამატებით ანაზღაურებას არ ექვემდებარება და შედის ანგარიშის მომზადების საფასურში.

4.8 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.

## V. მომსახურების ვადები და ადგილი

5.1 წინამდებარე ხელშეკრულებით განსაზღვრული მომსახურების გაწევის ვადაა (სს „სსე“-ის 220კვ ეგზ „მენჯი-ხორგა“-ს გაორჯაჭვიანებისათვის ახალი ანძების დასმის ადგილების საინჟინრო-გეოლოგიური კვლევის მომსახურება) ხელშეკრულების გაფორმებიდან 15 (თხუთმეტი) კალენდარული დღე.

5.2 გასაწევი მომსახურების ადგილი მოცემულია ტექნიკურ დავალებაზე (დანართი#2) თანდართულ ტოპო გეგმაზე, ტერიტორიის გეგმაზე და ახალი ანძების მდებარეობის კოორდინატების ცხრილში.

## VI. მხარეთა პასუხისმგებლობა

6.1 „მიმწოდებლის“ მიზეზით მომსახურების დაგვიანებით გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ კალენდარულ დღეზე მომსახურების სრულად შესრულების დღემდე.

6.2 „მიმწოდებლის“ მიზეზით მომსახურების არასრულად ან საერთოდ არ გაწევის შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0.1% ოდენობით ყოველ ვადა გადაცილებულ კალენდარულ დღეზე ხელშეკრულების შესწყვეტის დღემდე.

6.3 ამ ხელშეკრულების 6.1 და 6.2 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში თუ „მიმწოდებლის“

მიერ გაწეული მომსახურება დაწუნებულია ან ხარვეზებით არის შესრულებული, წუნდებული ან ხარვეზიანი მომსახურების მაგივრად ხარისხიანი მომსახურების გაწევის დღემდე.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5. „მიმწოდებლის“ მიერ „შემსყიდველისათვის“ მომსახურების საერთოდ არ გაწევის შემთხვევაში იგი ვალდებულია „შემსყიდველს“ ერთჯერადი ჯარიმის სახით გადაუხადოს თანხა ხელშეკრულების ღირებულების 10% ოდენობით

6.6 “შემსყიდველი” უფლებამოსილია მიწოდებული მომსახურების ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს და ჯარიმის თანხები.

## VII. ხელშეკრულების შესრულების კონტროლი

7.1 “მიმწოდებელი” ვალდებულია საკუთარი რესურსებით უზრუნველყოს “შემსყიდველი” კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ “შემსყიდველი” კონტროლის მიზნით გამოიყენებს საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით “შემსყიდველი”.

7.2 “მიმწოდებელი” ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.3 ამ მუხლის არც ერთი პუნქტი არ ათავისუფლებს “მიმწოდებელს” მოცემული ხელშეკრულების ვალდებულებებისაგან.

7.4 ხელშეკრულების შესრულების კონტროლს “შემსყიდველის” მხრიდან უზრუნველყოფს სს “საქართველოს სახელმწიფო ელექტროსისტემის” ელ. გადამცემი ხაზების განყოფილების უფროსი ფირუზი ნადირაძე.

7.5 კონტროლი განხორციელდება გაწეული მომსახურების ხარისხისა და მომსახურების გაწევის ვადის შესაბამისობით ხელშეკრულების პირობებთან.

## VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს – მაჟორის არსებობის საკმარის დამადასტურებელ საბუთად მხარეები განიხილავენ შესაბამისის ქვეყნის სავაჭრო-სამრეწველო პალატის მიერ გაცემულად სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი

გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

## **IX. ურთიერთობა მხარეებს შორის**

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან/და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

## **X. ხელშეკრულების პირობების შეცვლა და/ან ვადამდე მოშლა**

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა შეთანხმების საფუძველზე.

10.2. ხელშეკრულება შეიძლება ვადამდე მოიშალოს:

10.2.1. მხარეთა შეთანხმებით;

10.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.3 “შემსყიდველს” შეუძლია ხელშეკრულება ვადამდე შეწყვიტოს:

10.3.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.3.2. “შემსყიდველის” გადახდის უუნარობის დადგენის შემთხვევაში;

10.3.3. თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ხელშეკრულების საგნის შესახებ ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

10.3.4. საქართველოს კანონმდებლობით გათვალისწინებულ სხვა შემთხვევებში.

10.4 ამ ხელშეკრულების 10.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიღებული მომსახურების ღირებულება.

10.5 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

## **XI. ხელშეკრულების შესრულების შეფერხება**

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## **XII. დავათა განხილვა**

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

## **XIII. შესყიდვის ობიექტის მიღება-ჩაბარების წესი**

13.1 “მიმწოდებლის” მიერ წინამდებარე ხელშეკრულების 7.4 ქვეპუნქტით განსაზღვრული პირი ამოწმებს გაწეული მომსახურების შესაბამისობას წინამდებარე ხელშეკრულების პირობებთან. ხარვეზების არ არსებობის შემთხვევაში ფორმდება მიღება-ჩაბარების აქტი ფაქტიურად შესრულებულ მომსახურებაზე.

13.2 მომსახურების მიღების დროს აღმოჩენილი ხარვეზების (წუნდების) შემთხვევაში “შემსყიდველი” ვალდებულია ოპერატიულად, წერილობითი სახით აცნობოს “მიმწოდებელს” სათანადო ხარვეზების შესახებ (წუნდების არსი).

13.3 ხარვეზების აღმოჩენის შემთხვევაში “მიმწოდებელი” ვალდებულია 10 (ათი) კალენდარული დღის განმავლობაში თავისი ხარჯებით გამოასწოროს ხარვეზი.

13.4 წინამდებარე ხელშეკრულებით განსაზღვრული მომსახურება მიღებულად ჩაითვლება მიღება-ჩაბარების აქტის გაფორმებისთანავე.

## **XIV. ხელშეკრულების მოქმედების ვადა.**

14.1. ხელშეკრულება ძალაში შედის მხარეთა მიერ ხელმოწერისთანავე.

14.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2015 წლის 30 აპრილის ჩათვლით.

## **XV. ხელშეკრულების სხვა პირობები**

15.1. ხელშეკრულება შედგენილია ქართულ ენაზე ორ ეგზემპლიარად და ყოველ მათგანს გააჩნია თანაბარი იურიდიული ძალა.

ხელშეკრულება სს „სსე“-ს 220კვ ეგზ „მენჯი-ხორგა“-ს გაორჯაჭვიანებისათვის ახალი ანძების დასმის ადგილების  
საინჟინრო-გეოლოგიური კვლევის მომსახურების შესყიდვაზე. „მიმწოდებელი“ შპს „გეოტექსერვისი“.

15.2. ისეთ შემთხვევებში, რომლებიც არაა გათვალისწინებული ამ ხელშეკრულებით, მხარეები ხელმძღვანელობენ საქართველოში მოქმედი კანონმდებლობით.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევების.

15.5 წინამდებარე ხელშეკრულება დადებულია 2013 წლის 7 მარტის საქართველოს მთავრობის #53 დადგენილებით დამტკიცებული სს „საქართველოს სახელმწიფო ელექტროსისტემის“ მიერ ელექტროენერგიის გადაცემა-დისპეტჩერიზაციის შეუფერხებლად განხორციელებისათვის საჭირო საქონლის და მომსახურების შესყიდვების სპეციალური წესის მე-6 მუხლის მე-2 პუნქტის ა) ქვეპუნქტის შესაბამისად.

## XVI. მხარეთა რეკვიზიტები

### „შემსყიდველი“:

სს „საქართველოს სახელმწიფო ელექტროსისტემა“

ქ. თბილისი, ბარათაშვილის ქ. №2

საიდ. კოდი: 204995176

სს „ლიბერთი ბანკი“

ბანკის კოდი: LBRTGE22

ა/ა № GE86LB0114144485353000

სულხან ზუმბურიძე

რეაბილიტაციის მმართველი/  
მმართველთა საბჭოს თავმჯდომარე

ბ.ა



### „მიმწოდებელი“:

შპს „გეოტექსერვისი“

ქ. თბილისი, დიდი დიღომი,  
მირიან მეფის #50, სართული 1, მარცხ. ფლ.

საიდ. კოდი №200087707

სს „თიბისი ბანკი“

ცენტრალური ფილიალი

ბანკის კოდი № TBCBGE22

ანგარიშის № GE13TB0600000101467174

გიორგი ბენდუქიძე

დირექტორი

ბ.ა



ხელშეკრულება სს „სსე“-ს 220კვ ეგზ „მენჯი-ხორგა“-ს გაორჯაჭვიანებისათვის ახალი ანძების დასმის ადგილების საინჟინრო-გეოლოგიური კვლევის მომსახურების შესყიდვაზე. „მიმწოდებელი“ შპს „გეოტექსერვისი“.

## დანართი №1

სს „სსე“-ის 220კვ ეგზ „მენჯი-ხორგა“-ს გაორჯაჭვიანებისათვის ახალი ანძების დასმის ადგილების საინჟინრო-გეოლოგიური კვლევის გასაწევი მომსახურების ხარჯთაღრიცხვა:

| №   | მომსახურების დასახელება                                             | განზ. ერთეული | რაოდენობა | ერთეულის ღირებულება (ლარი) | ჯამური ღირებულება (ლარი) |
|-----|---------------------------------------------------------------------|---------------|-----------|----------------------------|--------------------------|
| I   | საველე სამუშაოები                                                   |               |           |                            |                          |
| 1   | 7 ჭაბურღილის ბურღვა 7 მ სიღრმემდე                                   | მ             | 49        | 75                         | 3675,00                  |
| 2   | ნიმუშების აღება                                                     | ცალი          | 15        | 10                         | 150,00                   |
| II  | ლაბორატორიული კვლევები                                              |               |           |                            |                          |
| 1   | ქანების ფიზიკური მაჩვენებლების კომპლექსი                            | ცდა           | 12        | 90,00                      | 1080,00                  |
| 2   | ქანების მექანიკური მაჩვენებლების კომპლექსი                          | ცდა           | 6         | 120,00                     | 720,00                   |
| 3   | გრუნტის ქიმიური ანალიზი                                             | ცდა           | 3         | 90,00                      | 270,00                   |
| 4   | წყლის აგრესიულობა და სტანდარტული ქიმიური ანალიზი                    | ცდა           | 3         | 70,00                      | 210,00                   |
| 5   | გრუნტის კუთრი ელექტრო წინააღმდეგობის განსაზღვრა                     | ცდა           | 3         | 70,00                      | 210,00                   |
|     | სულ: საველე და ლაბორატორიული სამუშაოები                             |               |           |                            | 6315,00                  |
| III | კამერალური სამუშაოები                                               |               |           |                            |                          |
| 1   | საველე და ლაბორატორიული მასალის დამუშავება (6315-ლარის 7%)          |               |           |                            | 442,05                   |
| 2   | ანგარიშის შედგენა და გაფორმება 3 (სამი) ეგზემპლარად (6315 ლარის 6%) |               |           |                            | 378,90                   |
|     | სულ: კამერალური სამუშაოები:                                         |               |           |                            | 820,95                   |
|     | მომსახურების ღირებულება დღგ-ს გარეშე                                |               |           |                            | 7135,95                  |
|     | დღგ 18%                                                             |               |           |                            | 1284,471                 |
|     | მომსახურების ღირებულება დღგ-ს ჩათვლით                               |               |           |                            | 8420,421                 |


„ხელშეკრულების ღირებულება“ დღგ-ს ჩათვლით შეადგენს 8420,42 (რვაათასოთხასოცი ლარი და 42 თეთრი) ლარს.

„შემსყიდველი“:

სს „საქართველოს სახელმწიფო ელექტროსისტემა“

სულხან ზუმბურიძე  
რეაბილიტაციის მმართველი/  
მმართველთა საბჭოს თავმჯდომარე

ბ.ა



„მიმწოდებელი“:

შპს „გეოტექსერვისი“

გიორგი ბენდუქიძე  
დირექტორი

ბ.ა



## დანართი №2

### ტექნიკური დავალება

სს „სსე“-ის 220კვ ეგზ „მენჯი-ხორგა“-ს გაორჯაჭვიანებისათვის ახალი ანძების დასმის  
ადგილების საინჟინრო-გეოლოგიური კვლევის შესრულებაზე.

1. განვლადობის ზოლის და ახალი ანძების მდებარეობა (იხ. ტერიტორიის გეგმა);
2. შესასრულებელ სამუშაოთა მოცულობა:
  - 2.1. რაიონის მოკლე ფიზიკურ-გეოგრაფიული, კლიმატური, გეოლოგიური დაჰიდროგეოლოგიური დახასიათება. ტერიტორიის საინჟინრო-გეოლოგიური და ჰიდროგეოლოგიური კვლევები. გამონამუშევრების მოწყობა ტერიტორიის ფარგლებში. საძირკვლების 5 მეტრამდე ჩაღრმავებისა და გრუნტზე მაქსიმალური დატვირთვის 500 კგ/მ<sup>2</sup> გათვალისწინებით;
  - 2.2. საძიებო უბანზე უარყოფითად მოქმედი ფიზიკურ-გეოლოგიური პროცესების და მოვლენების შესწავლა;
  - 2.3. არსებობის შემთხვევაში გრუნტის წყლების დონე და აგრესიულობა არმატურისა და ბეტონის მიმართ;
  - 2.4. გრუნტების ხვედრითი ელექტრული წინააღობის გაზომვა;
  - 2.5. საველი და ლაბორატორიული კვლევის მონაცემები.
3. შესრულებულ მომსახურებაზე წარმოსადგენია დადგენილი მოცულობისა და ფორმის ტექნიკური ანგარიში დასკვნებით, რეკომენდაციებით და ნახაზებით, როგორც აკინძული 3 ეგზემპლარად ასევე ელექტრონული ვერსიით. ტექნიკურ ანგარიშს დართული უნდა ჰქონდეს სამუშაო პროცესების ამსახველი ფოტომასალა.

**შენიშვნა: ტექნიკურ დავალებას თან ერთვის შემდეგი დოკუმენტაციები:**

1. ტოპო გეგმა-1გვ
2. ტერიტორიის გეგმა-1გვ.
3. ახალი ანძების მდებარეობის კოორდინატების ცხრილი-1გვ.

**„შემსყიდველი“:**

სს „საქართველოს სახელმწიფო  
ელექტროსისტემა“

სულხან ზუმბურიძე  
რეაბილიტაციის მმართველი/  
მმართველთა საბჭოს თავმჯდომარე

ბ.ა



**„მიმწოდებელი“:**

შპს „გეოტექსერვისი“

გიორგი ბენდუქიძე  
დირექტორი

ბ.ა



## ახალი ანძების მდებარეობის კოორდინატების ცხრილი

### 220 კვ ეგზ "ხორგა-2"-ის საპროექტო საყრდენების კოორდინატები

| საყრდენის<br>ნომერი | საყრდენის<br>ტიპი | მოზრუნების<br>კუთხე | X         | Y          | Z    |
|---------------------|-------------------|---------------------|-----------|------------|------|
| 2                   | Y220-1+9          | 41.6°               | 254339.33 | 4683783.17 | 38.8 |
| 3                   | Y220-1+9          | 0°                  | 254666.44 | 4683768.83 | 38.5 |
| 4                   | ΠC220-5           | 0°                  | 254950.43 | 4683756.45 | 38   |
| 5                   | Y220-1+9          | -22°                | 255234.84 | 4683744.08 | 36.8 |
| 6                   | Y220-1+14         | -3.8°               | 255585.66 | 4683868.33 | 38.1 |


### 220 კვ ეგზ "ხორგა-1"-ის და "პალიასტომი-1"-ის საპროექტო საყრდენის კოორდინატები

| საყრდენის<br>ნომერი | საყრდენის<br>ტიპი | მოზრუნების<br>კუთხე | X         | Y       | Z      |
|---------------------|-------------------|---------------------|-----------|---------|--------|
| 2                   | Y220-2+14         | 7°                  | 255643.83 | 4683858 | 38.200 |

### 220 კვ ეგზ "კოლხიდა-1"-ის საპროექტო საყრდენის კოორდინატები

| საყრდენის<br>ნომერი | საყრდენის<br>ტიპი | მოზრუნების<br>კუთხე | X         | Y          | Z      |
|---------------------|-------------------|---------------------|-----------|------------|--------|
| 1                   | Y220-1+9          | 58.3°               | 255749.74 | 4683869.37 | 38.034 |

ხელშეკრულება სს „სსე“-ს 220კვ ევბ „მენჯი-ხორგა“-ს გარტაჭვიანებისათვის ახალი ანძების დასმის ადგილების საინჟინრო-გეოლოგიური კვლევის მომსახურების შესყიდვაზე. „მიმწოდებელი“ შპს „გეოტექსერვისი“.



|                                                                                                                                              |            |         |
|----------------------------------------------------------------------------------------------------------------------------------------------|------------|---------|
| სტადია                                                                                                                                       | ფურცელი    | ფურცელი |
| 220 კვ ევბ „მენჯი-ხორგა“-ს გარტაჭვიანება                                                                                                     | 1          | 1       |
| სს „სსე“-ს 220კვ ევბ „მენჯი-ხორგა“-ს გარტაჭვიანებისათვის ახალი ანძების დასმის ადგილების საინჟინრო-გეოლოგიური კვლევის მომსახურების შესყიდვაზე |            |         |
| ტრასის გამგეობის ტიპი                                                                                                                        |            |         |
| შპს „გეოტექსერვისი“                                                                                                                          |            |         |
| 2023 წ.                                                                                                                                      |            |         |
| ავტორი                                                                                                                                       | თემატიკა   | სტადია  |
| მ. ჯიქია                                                                                                                                     | დგ. უფროსი |         |
| ფ. ლაღაშვილი                                                                                                                                 | გ. უფროსი  |         |
| პ. კახიძე                                                                                                                                    | უფროსი     |         |
| მ. თაღაძე                                                                                                                                    | მ. უფროსი  |         |



1:5,000

ხელშეკრულება სს „სსე“-ს 220კვ ეგზ „მენჯი-ხორგა“-ს გაორტაჭვიანებისათვის ახალი ანძების დასმის ადგილების საინჟინრო-გეოლოგიური კვლევის მომსახურების შესყიდვაზე. „მიმწოდებელი“ შპს „გეოტექსერვისი“.



|                   |                      |                      |                      |
|-------------------|----------------------|----------------------|----------------------|
| გამომცემი         | გამომცემის სახელი    | გამომცემის მისამართი | გამომცემის სახელი    |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |
| გამომცემის სახელი | გამომცემის მისამართი | გამომცემის სახელი    | გამომცემის მისამართი |